

RHAN 4 – RHEOLAU GWEITHDREFNAU

RHEOL SEFYDLOG PRESENOLDEB O BELL

1. Mae'r Cyngor wedi cytuno ar drefniadau dros dro ar gyfer mynychu cyfarfodydd o bell, yn unol â darpariaethau Rheoliadau Awdurdodau Lleol (Coronafeirws) (Cyfarfodydd) (Cymru) 2020 ('Rheoliadau Cyfarfodydd 2020').
2. Yn unol â Rheoliadau Cyfarfodydd 2020 a chyfyngiadau'r llywodraeth mewn perthynas â phandemig Covid, mae'r Cyngor wedi cytuno y bydd holl gyfarfodydd y Cyngor, y Cabinet, Pwyllgorau ac Is-bwyllgorau yn cael eu cynnal o bell gan ddefnyddio cyfleusterau fideo-gynadledda.
3. Er mwyn hwyluso mynediad i'r cyhoedd, mae cyfarfodydd yn cael eu ffrydio'n fyw drwy offer gwe-ddarlledu'r Cyngor lle bynnag y bo modd; a phan na ellir ffrydio'n fyw, mae recordiad o'r cyfarfod yn cael ei lanlwytho i wefan y Cyngor. Cyhoeddir hysbysiadau o gyfarfodydd, agendâu ac adroddiadau ar wefan y Cyngor.
4. Gall aelodau o'r cyhoedd gymryd rhan mewn cyfarfodydd, yn unol â darpariaethau rheolau gweithdrefnau'r cyfarfod perthnasol (a nodir yn y Cyfansoddiad hwn) ac unrhyw brotocolau eraill y cytunwyd arnynt, gan ddefnyddio cysylltiad sain neu fideo â'r cyfarfod o bell. Darperir manylion am sut i gysylltu â'r cyfarfod gan Wasanaethau'r Pwyllgorau.
5. Mae Deddf Llywodraeth Leol ac Etholiadau (Cymru) 2021, Rhan 3 ('Deddf 2021'), yn ei gwneud yn ofynnol i'r Cyngor wneud a chyhoeddi trefniadau parhaol ar gyfer mynychu cyfarfodydd o bell, yn unol â darpariaethau'r Ddeddf honno a chan ystyried canllawiau statudol.
6. Hyd nes y bydd y Cyngor yn gwneud ac yn cyhoeddi trefniadau parhaol ar gyfer mynychu o bell dan Ddeddf 2021, bydd y trefniadau dros dro y cytunwyd arnynt dan Rheoliadau Cyfarfodydd 2020 yn parhau mewn grym dan ddarpariaethau Deddf 2021.
7. Dylid darllen unrhyw gyfeiriadau at 'bresenoldeb' mewn cyfarfodydd yn y Cyfansoddiad hwn neu fel arall fel rhai sy'n cynnwys presenoldeb o bell. Ystyr presenoldeb o bell neu fynychu o bell at y dibenion hyn yw mynychu drwy gyfrwng unrhyw gyfarpar neu gyfleuster sy'n galluogi personau nad ydynt yn yr un lle i siarad, a chael eu clywed gan ei gilydd, ac i weld ei gilydd o bosib.